



ა(ა)იპ სენაკის მუნიციპალიტეტის მზრუნველობამოკლებულთა კვების ცენტრი

2024 წლის I, II და III კვარტალში გაწეული საქმიანობის ანგარიში

1. ცენტრის მართვა: დაგეგმვა, ორგანიზება, მიზანი, კონტროლი.
2. 2024 წლის პირველი 9 თვის საფინანსო მაჩვენებლები.
3. ორგანიზაციული სტრუქტურა.
4. SWOT - ანალიზი.
5. ფოტომასალები.

1. ცენტრის მართვის ფუნქცია: დაგეგმვა, ორგანიზება, მიზანი, კონტროლი.

ა(ა)იპ სენაკის მუნიციპალიტეტის მზრუნველობამოკლებულთა კვების ცენტრის ძირითადი საქმიანობის მიზანია სენაკის მუნიციპალიტეტში მცხოვრებ სოციალურად დაუცველ და მზრუნველობამოკლებულ მოქალაქეებს შეუმსუბუქოს შეჭირვებული მდგომარეობა, შეუქმნას სასიამოვნო და მზრუნველი გარემო, უზრუნველყოს უფასო კვებით.

საქმიანობის განხორციელებისათვის 100%-იან სუბსიდირებას უზრუნველყოფს სენაკის მუნიციპალიტეტი. სუბსიდიური დაფინანსებით ხორციელდება საკვები პროდუქტების შეძენა, საოფისე, მატერიალურ-ტექნიკური და სხვა მომსახურეობების ხარჯების დაფარვა. ცენტრი ამზადებს და წარადგენს ანგარიშებს მუნიციპალიტეტის მერიასა და საკრებულოში.

საანგარიშო პერიოდში საქმიანობა წარიმართება კვების ცენტრის ადმინისტრაციის გეგმის შესაბამისად.

კვების პროდუქტების შეძენა ხორციელდება ელ. ტენდერების მეშვეობით. 2024 წლის პირველ 9 თვეში გამოცხადებულ იქნა 8 ელ. ტენდერი. სხვა საქონელი და მომსახურეობების შესყიდვა ხორციელდება სახელმწიფო შესყიდვების ნებართვის შესაბამისად საბაზრო ფასების კვლევის შედეგების საფუძველზე.

სოციალური დასაქმების პროგრამის ფარგლებში 2024 წლის პირველ 9 თვეში დასაქმებული იყო 8 ბენეფიციარი ვაკანსიაზე კურიერი/მიმტანი, რომლებიც

ახორციელებენ მზა საკვების შინ მიტანას შესაბამის ბენეფიციარებთან (ავადმყოფები, ხანდაზმულები, შშმ პირები).

ერთჯერად კვებაზე გათვალისწინებული კალორიაჟის მინიმალური ზღვარი შეადგენს 1154,24 კ.კალორიას, ხოლო მაქსიმალური - 1506,38 კ.კალ.

ერთი ბენეფიციარის ერთჯერადი კვებით უზრუნველყოფის ღირებულება შეადგენს 2,82 ლარს. შედარებისათვის, საქართველოს სხვადასხვა ქალაქებში 2023 წლის მონაცემებით ერთი ბენეფიციარის კვება ჯდება: ბორჯომი - 2,86 ლარი; შუახევი - 3,15 ლარი; ქუთაისი - 2,90 ლარი, ახალციხე - 2,75; წალენჯიხა - 2,80 ლარი; სამტრედია - 2,92 ლარი; თელავი - 3,25 ლარი და ა.შ.

2024 წლის პირველ 9 თვეში განმავლობაში ჩანაცვლდა 12 ბენეფიციარი.

ძირითად სიაში ჩანაცვლდა 11 ბენეფიციარი:

1. გარდაცვალების გამო - 4 ბენეფიციარი;
2. პირადი განცხადების გამო - 2 ბენეფიციარი;
3. სისტემატიურად გამოუცხადებლობის გამო - 4 ბენეფიციარი;
4. საცხოვრებლად სხვა ქალაქში გადასვლასთან დაკავშირებით - 1 ბენეფიციარი;

დამატებით სიაში ჩანაცვლდა 1 ბენეფიციარი:

1. გარდაცვალების გამო - 1 ბენეფიციარი;
2. პირადი განცხადების გამო - 0 ბენეფიციარი;
3. საცხოვრებლად სხვა ქალაქში გადასვლასთან დაკავშირებით - 0 ბენეფიციარი.

ბენეფიციართა ჩანაცვლება ხდება ა(ა)იპ სენაკის მუნიციპალიტეტის მზრუნველობამოკლებულთა კვების ცენტრში ბენეფიციართა მომართვის სოციალური მდგომარეობის შემსწავლელი ჯგუფის დასკვნის საფუძველზე.

სისტემატიურად ხორციელდება ბენეფიციართა მონიტორინგი. 2017 წლის ნოემბრის თვეში შემოვიღეთ ანკეტის გამოკითხვის ფორმა, სადაც ბენეფიციარები აფიქსირებენ თავიანთ აზრს თითოეული კერძის ხარისხზე, მომსახურებასა და სისუფთავეზე. 2024 წლის პირველ 9 თვეში გამოიკითხა თითქმის ყველა ბენეფიციარი, რომელთა აბსოლუტურმა უმრავლესობამ დადებითი პასუხი გასცა ანკეტაში დასმულ შეკითხვებს. რეგულარულად ტარდება სადუზინფექციო და დერატიზაციის სამუშაოები.

დოკუმენტბრუნვა: ბრძანება - 55, სხვადასხვა სახის განცხადება - 31, გასული კორესპონდენცია - 27, შემოსული წერილები - 19, მივლინება - 3, ცნობა - 1, შესასყიდი საქონლის (მომსახურების) ხელშეკრულება - 31, მიღება-ჩაბარების აქტი - 519.

2. 2024 წლის პირველ 9 თვეში საფინანსო მაჩვენებლები


ა(ა)იპ სენაკის მუნიციპალიტეტის მზრუნველობამოკლებულთა კვების ცენტრს 2024 წლის პირველ 9 თვეში სუბსიდიური დაფინანსებით მიღებული აქვს 275290,00 ლარი.

შრომის ანაზღაურებაზე დაიხარჯა 88441,00 ლარი, მივლინებაზე - 192 ლარი, კვების ხარჯი - 147041,00 ლარი.


საკანცელარიო - 240,00 ლარი; კავშირგაბმულობის ხარჯი -1604,00 ლარი; ელ. ენერჯის - 2096,00 ლარი; წყლის ხარჯი - 573,00 ლარი; ბუნებრივი აირი - 3281,00 ლარი; ფინანსთა ასოციაციის საწევრო გადასახადი - 4000,00 ლარი; სანიტ-ჰიგიენური და სამეურნეო საქონელი - 877,00 ლარი;

კარტრიჯის (10000 გვერდის გადაღებით) შეძენის ხარჯი - 291,00 ლარი; ელ.პაკეტის მომსახურება - 390,00 ლარი; სადღეინფექციო და დერატიზაციის სამუშაოებისთვის გაიხარჯა - 400,00 ლარი; წყლის სინჯის ანალიზის ხარჯი - 150,00 ლარი; შტატგარეშე - 15246,00 ლარი; საკვების სახლში მიტანის სერვისზე - 4500,00 ლარი; კომპიუტერის შეძენაზე გაიხარჯა - 1850,00 ლარი; პრინტერის შეძენის ხარჯი - 1050,00 ლარი; საჯარო რეესტრის ამონაწერის თანხა - 60,00 ლარი; გაზის წყლის გამათბობელის ხარჯი-480,00 ლარი; მონტაჟზე გაიხარჯა -320,00ლარი; მაცივრის შეძენაზე გაიხარჯა-1169,00ლარი; კონდიციონერის შეზენაზე-839,00ლარი; სატენდერო მომსახურებაზე გაიხარჯა -200,00 ლარი;

ელ. ტენდერების რაოდენობა



ერთი ბენეფიციარის კვებით უზრუნველყოფის ღირებულება



3.ორგანიზაციული სტრუქტურა


ა(ა)იპ სენაკის მუნიციპალიტეტის მზრუნველობამოკლებულთა კვების ცენტრი მდებარეობს: ქ.სენაკი , ახალგაზრდობის ხეივანი N 7. ცენტრს გააჩნია ორსართულიანი შენობა. პირველ სართულზე განთავსებულია სასადილო და სამზარეულო, მეორეზე - ადმინისტრაციის ოფისი.

ცენტრში დასაქმებულია 12 თანამშრომელი. უფასო მზა საკვებს ღებულობს ძირითადი სიის 200 და დამატებითი სიის 22 ბენეფიციარი.

კვების რაციონში შედის სამი დასახელების მზა საკვები. შეზღუდული შესაძლებლობის მქონე ბენეფიციარებისათვის ვახორციელებდით საკვების სახლში მიტანის სერვისს (30 ბენეფიციარი).

კვების ცენტრის ფუნქციები და მოვალეობები განსაზღვრულია წესდებითა და შინაგანაწესით

კვების ცენტრის ორგანიზაციული სტრუქტურა ასეთია:



4.SWOT - ანალიზი

კვების ცენტრის გეგმის გამოკვეთის, კონკრეტული მიზნების ჩამოყალიბების და ახალი იდეების გენერირების ინსტრუმენტია ანალიზი, რომლისთვისაც გამოვიყენეთ SWOT - ანალიზის მეთოდი (ძლიერი და სუსტი მხარეების, შესაძლებლობებისა და საფრთხეების გაანალიზება).

<p>ძლიერი მხარეები:</p> <ul style="list-style-type: none">. მრავალწლიანი გამოცდილება;. გეოგრაფიული მდებარეობა;. თანამშრომლობა მსგავსი ტიპის დაწესებულებებთან;	<p>სუსტი მხარეები:</p> <ul style="list-style-type: none">. ზოგიერთი მოძველებული ტექნოლოგიები;. თანამშრომელთა დაბალი ანაზღაურება;
<p>შესაძლებლობები:</p> <ul style="list-style-type: none">. მერიისა და საკრებულოს მხარდაჭერა;. ცენტრის სერვისის განვრცობა ავადმყოფებზე, ხანდაზმულებზე, შშმ პირებზე;	<p>საფრთხეები:</p> <ul style="list-style-type: none">. ფასების ცვალებადობა;. ფორსმაჟორული პირობები;

5. ფოტომასალები

